



Broj: 02-11-763/20  
Velika Kladuša, 24.04.2020. godine

Na osnovu člana 25. Odluke o izvršavanju budžeta Općine Velika Kladuša za 2020. godinu („Službeni glasnik Općine Velika Kladuša”, br. 4/20) i člana 43. Statuta Općine Velika Kladuša („Službeni glasnik Općine Velika Kladuša”, br. 12/11), Općinski načelnik donosi

## **PRAVILNIK**

### **o sufinansiranju proljetne sjetve na području općine Velika Kladuša u 2020. godini**

#### **Član 1.**

Ovim pravilnikom propisuju se uslovi koje moraju ispunjavati pravna lica, obrtnici i fizička lica (u daljem tekstu: kandidati) da bi ostvarili pravo na sufinansiranje proljetne sjetve na području općine Velika Kladuša u 2020. godini (u daljem tekstu: novčane podrške), uređuju se postupci za njihovo ostvarivanje, načini isplate, plan raspodjele i potrebna dokumentacija.

#### **Član 2.**

Za sufinansiranje proljetne sjetve na području općine Velika Kladuša u 2020. godini na način kako je to regulisano ovim pravilnikom, koristiti će se sredstva u ukupnom iznosu od 280.000,00 KM i to:

- 100.000,00 KM iz Budžeta Općine Velika Kladuša, pozicija „Grant za razvoj poljoprivrede“ ekonomski kod 614311-001,
- 100.000,00 KM od Federalnog ministarstva poljoprivrede, vodoprivrede i šumarstva u skladu sa Sporazumom o realizaciji Programa poticanja proljetne sjetve i
- 80.000,00 KM od Kantonalnog ministarstva privrede u skladu sa Odlukom o usvajanju Programa utroška sredstava – Grant nižim nivoima vlasti Budžeta Unsko-sanskog kantona.

#### **Član 3.**

Kriteriji za odabir kandidata su slijedeći:

- da je upisan u Registar poljoprivrednih gazdinstava, odnosno u Registar klijenata do 30.04.2020. godine,
- da je primarna poljoprivredna proizvodnja ostvarena na području općine Velika Kladuša,
- da je izvršio proljetnu sjetvu u 2020. godini, odnosno izvršio kupovinu sjemena, mineralnog gnojiva i zaštitnih sredstava za proizvodnju silažnog i merkatilnog kukuruza, heljde, povrća (paradajz, paprika, krastavac, patlidžan, mrkva, cvekla, grah, luk bijeli, luk crveni, zelena salata, krompir i sl.) i drugih poljoprivrednih kultura.

#### **Član 4.**

Zainteresirani poljoprivredni proizvođači su dužni uz prijavu na Javni poziv dostaviti fakture, fiskalne račune odnosno drugi dokaz o izvršenoj kupovini repromaterijala navedenog u članu 3. ovog pravilnika. Poljoprivredni proizvođači krastavaca kornišona koji su korisnici IFAD paketa za proizvodnju krastavaca, kao dokaz dostavljaju otpremnicu za sjeme, osnovna mineralna gnojiva i zaštitna sredstva koja nisu finansirana od strane IFAD projekta.

#### **Član 5.**

Maksimalan iznos novčane podrške koji krajnjem korisniku može biti odobren za sufinansiranje proljetne sjetve iznosi 1.000,00 KM. Ukoliko zbroj iznosa obračunate novčane podrške za sve pojedinačne zahtjeve premaši iznos naveden u članu 2. ovog pravilnika, izvršit će se proporcionalno smanjenje svih odobrenih novčanih podrški.

#### **Član 6.**

Provjera statusa pravnog lica, obrtnika i fizičkog lica u Registru poljoprivrednih gazdinstava i/ili Registru klijenata će se vršiti po službenoj dužnosti.

#### **Član 7.**

Za raspodjelu sredstava definisanih ovim pravilnikom objavit će se Javni poziv koji će biti otvoren do 22. maja 2020. godine a biće objavljen na Oglasnoj ploči i službenoj internet stranici Općine Velika Kladuša. Javnim pozivom će detaljnije biti definisan zahtjev za prijavu na Javni poziv sa popisom potrebne dokumentacije.

#### **Član 8.**

Nakon obrade pristiglih zahtjeva i sačinjenih spiskova potencijalnih korisnika sredstava, Služba za poduzetništvo, lokalni razvoj i implementaciju projekata izradit će prijedlog odluke o visini odobrenih sredstava kojom Općinski načelnik odobrava isplatu. Potpisana Odluka sa pratećim spiskovima proslijedit će se Službi za finansije i računovodstvo radi isplate.

#### **Član 9.**

Za realizaciju ovog pravilnika zadužuju se Služba za poduzetništvo, lokalni razvoj i implementaciju projekata i Služba za finansije, računovodstvo i javne nabavke Općine Velika Kladuša, koje će nakon završene realizacije sačiniti konačnu informaciju o namjenskom korištenju sredstava. Služba za poduzetništvo, lokalni razvoj i implementaciju projekata će sačiniti i Izvještaj o realizaciji programa poticanja proljetne sjetve sa potrebnom dokumentacijom koji će se dostaviti Federalnom ministarstvu poljoprivrede, vodoprivrede i šumarstva i Kantonalnom ministarstvu privrede za pravdanje utrošenih sredstava.

#### **Član 10.**

Ukoliko nakon obrade pristiglih zahtjeva i sačinjenih spiskova potencijalnih korisnika sredstava premaši se iznos planiranih sredstava ovim pravilnikom, u slučaju iznalaženja dodatnih finansijskih sredstava, izvršit će se izmjena i dopuna ovog pravilnika u skladu sa raspoloživim finansijskim sredstvima.

## Član 11.

Ovaj pravilnik stupa na snagu danom donošenja a objavit će se u „Službenom glasniku Općine Velika Kladuša“.

Obrađivač:

Služba za poduzetništvo, lokalni razvoj i implementaciju projekata

*Š. Abdur*



**OPĆINSKI NAČELNIK**  
**Fikret Abdić, dipl.ing.**

Dostavljeno:

1. Kabinet Općinskog načelnika
2. Službi za upravu, društvene djelatnosti i zajedničke poslove
3. Službi za finansije, računovodstvo i javne nabavke
4. u spis
5. a/a